

मार्निंग डोगरी न्यूज़ बुलेटिन, समें. **09-20** Hrs

<><><><><><>

## Headlines

- भारत नै भारतीय वायु सेना दे अंतरिक्ष यात्री शुभांशु शुक्ला हुंदी अगुवाई च स्पेस एक्स ड्रैगन अंतरिक्षयान गी अंतर्राष्ट्रीय अंतरिक्ष केन्द्र कन्नै डॉक करियै इतिहास बनाया।
- उपराज्यपाल मनोज सिन्हा होरें श्री अमरनाथ जी दी यात्रा दी तैआरिएं बारे चर्चा लेई सर्वदलीय बैठक लाई।
- मुख्यमंत्री उमर अब्दुल्ला होरें एनसीसी कैडेटें दे डॉट कैप गी श्रीनगर च संबोधत करदे होई उनेंगी शांति ते एकता दे दूत बनने दा आह्वान कीता।
- मुख्य सचिव अटल डुल्लू होरें नवाचार प्रौद्योगिकी ते शासन सरबन्धी इक उच्ची सतह दी बैठक दी प्रधानता कीती ते जम्मू कश्मीर च कुशल, जवाबदेह ते तकनीकें कन्नै लैस शासन लेई इंदी भूमका गी उजागर कीता।
- सांबा जिले च आयोजित ऐतिहासक बाबा चाम्लेयाल मेले च ज्हारां बद्धे श्रद्धालु शामिल होए।

<><><><><><>

## Axiom-4

भारत नै अंतरिक्ष यात्रा च अपना इतिहास रची दित्ता ऐ जियां के एस्कियम-4 मिशन दे तैहत चऊं जनें दे क्रियू गी लेइयै जाने आले अंतरिक्ष यान स्पेस एक्स डिजाइन जिंदे च भारती वायु सेना दे ग्रुप कैप्टन शुभांशु शुक्ला बी शामिल न। कल भारती समें दे मताबक संजा 4 बजे अंतर्राष्ट्रीय अंतरिक्ष स्टेशन कन्नै आईएसएस कन्नै डाकिंग होई गई। इंदे कन्नै गै कुसै पैहले अंतरिक्ष यात्री नै अंतर्राष्ट्रीय अंतरिक्ष स्टेशन उप्पर अपने कदम रखे न। लखनऊ च जन्मे दे शुभांशु शुक्ला 1984 च राकेश शर्मा दी डोआरी दे परैत अंतरिक्ष च जाने आले दुए भारती बनी गे न। इस इतिहासक मिशन च चार अंतरिक्ष यात्री न जिंदे च इक अमरीका, इक भारत, इक पोलैंड ते इक हंगरी थमां ऐ, जेह्ड़े धरती दी निचली कक्षा च 14 दिनें तगर वैज्ञानिक शोध करगन। शुक्ला होरें भोजन ते अंतरिक्ष पोशन कन्नै जुड़े दे उच्च कोटी दे प्रयोग करगन।

अंतराष्ट्रीय अंतरिक्ष स्टेशन कन्नै सफल तरीके कन्नै जुड़ी जाने पर विज्ञान ते प्रौद्योगिकी मंत्री डॉ. जितेन्द्र सिंह होरें भारती वायु सेना दे ग्रुप कैप्टन शुभांशु शुक्ला ते एक्सियम-4 मिशन दी टीम गी बधाई दित्ती ऐ.....

<><><><><><>

LG-APM

उपराज्यपाल मनोज सिन्हा होरें कल राजभवन श्रीनगर च सर्वदलीय बैठक लाई। इस दरान श्री अमरनाथ जी दी यात्रा दी तैआरिएं बारे चर्चा होई। इस बैठक च मुखमंत्री उमर अब्दुल्ला, बीजेपी थमां सत्त शर्मा, निर्मल सिंह, कविन्द्र गुप्ता, कांग्रेस थमां तारा चंद ते गुलाम अमीद मीर, नैशनल कांफ्रेंस थमां जे.एस.आजाद ते शौकत अहमद मीर, सीपीआई(एम) दे मोहम्मद युसूफ तारीगामी, अपनी पार्टी थमां अल्ताफ बुखारी, पीडीपी थमां इलतजा मुफ्ती ते जेकेपीडीएफ थमां हकीम मोहम्मद यासीन शामिल होए। उपराज्यपाल होरें सब्बने गी सैहयोग करने लेई आखेआ। मुखमंत्री ते होरने दुए यात्रा गी सुचारु बनाने लेई हर संभव सहायता दा भरोसा दोआया।

<><><><><><>

CM-NCC

मुखमंत्री उमर अब्दुल्ला होरें एनसीसी कैडटें गी आखेआ ऐ जे ओह जम्मू कश्मीर बारे उंदे सकारात्मक अनुभव सांझा करन ते मुखे च शांति, एकता ते आपसी सौहार्द दे दूत दे तौर पर कम्म करन। श्रीनगर दे बदामी बाग स्थित छावनी च एनसीसी दे स्पेशल इंटिग्रेशन कैंप 2025 गी संबोधत करदे होई मुखमंत्री होरें एह गल्ल आखी। इस शिविर च मुख भरै दे बक्ख-बक्ख हिस्से थमां कैडेट शामिल होए न। उनें आखेआ जे इनें कैडटें दी छोटी च मजूदगी मकामी लोकें दा हौसला बधाग। 12 दिन दे इस कैंप दा मकसद राष्ट्रीय एकता गी बढ़ावा देना ते युवाएं बश्कार सांस्कृतिक आदान प्रदान करना ऐ। इस शिविर च हिस्सा लैने मगरा मीडिया गी संबोधत करदे होई मुखमंत्री होरें आखेआ.....

<><><><><><>

DC Kishtwar

किश्तवाड़ दे डिप्टी कमीशनर पंकज कुमार शर्मा हुंदी अध्यक्षता च कल हाड़ आली स्थिति कन्नै निबड़ने लेई तैआरिएं ते प्रतिक्रिया रणनीति दी समीक्षा करने लेई इक महत्वपूर्ण बैठक लग्गी। डिप्टी कमीशनर होरें सब्बने मुत्तलका अजेंसिएं गी निर्देश दित्ते जे 24 घंटे कम्म करने आला कंट्रोल रूम कायम कीता जा।

डिप्टी कमीशनर होरें इस गल्लै पर बी जोर भरेआ जे आपदा आली स्थिति च राबते लेई एमरजेंसी मिंबरें गी सब्बने सोशल मीडिया सनें सब्बने प्लेटफार्मे पर सांझा कीता जा तां जे जरूरत आले समें दरान लोकें गी राबता करने च कोई परेशानी नेई होए। एह्दे अलावा डिप्टी कमीशनर होरें सब्बने मुत्तलका मैह्कमें गी निर्देश दित्ता ले ओह् अमले ते मशीनरी गी कुसै बी आपदा आली स्थिति कन्नै निबड़ने लेई तैआर रौहन।

<><><><><><>

## DC Doda-Ban

डोडा दे जिला मैजिस्ट्रेट होरें अपने इख्तेयारें दा इस्तेमाल करदे होई चनाह् दरेया ते जिले दे होरने दुए नाले—कूलें च तारी मारने, नहाने, मच्छी फगड़ने जां दरेया दे आले दोआले जाने पर पूरी चाल्ली पाबंदी लाई दित्ती ऐ। एह् हुक्म फौरी प्रभावे कन्नै लागू होई गेआ ऐ। एह्दे अलावा इनें थाहरें पर स्कूल—कालेज दी पिकनिक दा होर दूई मनोरंजन गतिविधियां बगैर इजाजत दे आयोजित नेई कीतियां जाई सकदियां। इस बारे होर जानकारी दिंदे होई डोडा दे डिप्टी कमीशनर हरविंदर सिंह होरें आखेआ।

<><><><><><>

## CS-CI Tag

मुख्य सचिव अटल डुल्लू होरें कल सिविल सचिवालय श्रीनगर च नवाचार प्रौद्योगिकी ते शासन सरबंधी इक उच्ची सतह् दी बैठक दी अध्यक्षता कीती। जम्मू कश्मीर च कुशल, जवाबदेह ते तकनीकें कन्नै लैस शासन चलाने लेई इंदी भूमका पर लोह् पाई। मनुक्खी संसाधनें दी लोड़ पर जोर पांदे होई मुख्य सचिव होरें माहिरें ते पेशेवरें दा समेंसिर चयन करने पर जोर दित्ता। उनें सब्बने मैह्कमें गी प्रशिक्षुएं गी शामिल करने लेई गलाया तां जे परियोजनाएं दी योजना तैआर करन। दस्तावाजीकरण च जमीनी सतह् पर तालमेल गी बेह्तरनी ते बेह्तर अमलावरी कन्नै सब्बै कम्म समें सिर तोड़ चाढ़ने पर जोर दित्ता जाई सकै। मुख्य सचिव परियोजनाएं गी तोड़ चाढ़ने लेई समर्थ च बाद्धा करने आस्तै साढ़े 4 सौ अधिकारिएं गी सिखलाई देने दे महत्व गी उजागर करदे होई निर्देश दित्ता जे इक व्यापक क्षमता निम्नण अभियान शुरू कीता जा।

<><><><><><>

## Chamliyal Mela

सलाना बाबा चाम्लेयाल मेला कल पूरी श्रद्धा ते धार्मिक उत्साह कन्नै सांबा जिले दे रामगढ़ सेक्टर च बन्ने आले ग्रां चम्लेयाल च स्थित बाबा दलीप सिंह मन्हास जिनेंगी बाबा चम्लेयाल दे नां कन्नै जानेआ जंदा ऐ, हुंदी पवित्र दरगाह् च लोआया गेआ। बाबा चम्लेयाल होर 17मीं सदी दे इक मन्ने परमन्ने दे संत न, जिनेंगी बमारिएं थमां ठीक करने दी उंदी शक्तिण लेई जानेआ जंदा ऐ।

अंतर्राष्ट्रीय बन्ने कश स्थित एह दरगाह शांति, रमानदारी ते आपसी भाईचारे दा प्रतीक ऐ। मेले दरान बड़ी बद्ध गिनतरी च श्रद्धालुएं दी भीड़ दिक्खने गी लब्धी जेहड़े समूलचे जम्मू कश्मीर सनें होरने गोआंढी राज्यें थमां उत्थें आए दे हे।

<><><><><><>

## PM-MKB

प्रधानमंत्री नरेंद्र मोदी होर इस म्हीने दी 29 तरीक गी आकाशवाणी पर प्रसारित होने आहले अपने माहवार रेडियो कार्यक्रम "मन की बात" राएं देश-विदेश दे लोकें कन्नै अपने विचार सांझे करडन। एह इस कार्यक्रम दी 123मीं किश्त होग। लोक इस कार्यक्रम लेई अपने विचार ते सुझा टोल फ्री नंबर 1800-11-7800 पर सांझे करी सकदे न। लोक अपने विचार ते सुझा नरेंद्र मोदी ऐप जां फही My Gov open forum पर भेजी सकदे न। विचार सांझा करने ते सुझा भेजने दी खीरी तरीक अज्ज यानि 27 जून ऐ।

<><><><><><>

## Plantation Drive

पर्यावरण दे राक्खी ते स्थाई शैहरी विकास दी दिशा च इक मीत्वपूर्ण गैह तैहत जम्मू दे डिप्टी कमीशनर सचिन कुमार वैश्य ते जम्मू नगर निगम दे कमीशनर डॉ. देवांश यादव होरें कल जम्मू दे सिविल सचिवालय कश जम्बू लूचन चौराहें च बूहटे लाने दी इक मुहिम दी अगुवाई कीती। एह पैहलकदमी क्लीन जम्मू ग्रीन जम्मू अभियान दा इक हिस्सा ही जेहदा मकसद थाही दी हरा-भरा बनाना, जलवायु परिवर्तन दे साड़े असर गी घट्ट करना ते मकामी लोकें च एहदे प्रति जागरूकता बधाना ऐ। जारी मुहिम लोकें च जम्मू गी होर मता हरा-भरा करने दी दिशा च योगदान देने लेई प्रेरित करा'रदी ऐ। अभियान दरान डिप्टी कमीशनर ते जेएमसी कमीशनर होरें रुक्ख-बूहटें बी लाए। मीडिया आलें कन्नै गल्ल करदे होई डीसी जम्मू होरें आखेआ.....  
बाईट

<><><><><><>